

bithidh sibh naomha; oir *a ta* mise naomha: agus cha truaill sibh sibh féin^a le nì snàigeach sam bith a shnàigeas air an talamh.

45 Oir *is* mise an Tighearn a thug sibhse a mach a talamh na h-Eiphit gu bhì'm Dhia agaibh: bithidh sibhse uime sin naomha, oir *a ta* mise naomha.

46 *Is e* so lagh nan ainmhidhean, agus nan eun, agus gach dùil^b bheo a ghluaiseas anns na h-uifgeachaibh, agus gach dùil a shnàigeas air an talamh:

47 A chur dealachaidh eadar an neo-ghlan agus an glan, agus eadar am beathach a dh'fheudar itheadh, agus am beathach nach fheudar itheadh.

C A I B. XII.

AGUS labhair an Tighearna re Maois, ag ràdh,

2 Labhair re cloinn Israeil, ag ràdh, Ma dh'fhàsas bean torrach, agus gu'm beir i mac; an sin bithidh i neo-ghlan seachd laithean: a réir laithean a dealachaidh air son a h-anfhainneachd^c bithidh i neo-ghlan.

3 Agus air an ochdamh là àmchioll-ghèarrar feoil a roimh-chroicinn.

4 Agus fanaidh i 'an sin trì laithe deug 'ar fhichead ann am fuil a glanaidh: cha bhean i re nì naomha sam bith, agus cha d'thig i steach do'n ionad naomha, agus an coi'-lionar laithean a glanaidh.

5 Ach ma bheireas i leanabh a' bheir, 'an sin bithidh i neo-ghlan dà sheachdain, mar 'na dealachadh: agus fanaidh i ann

am fuil a glanaidh trì fichead agus fè laithean.

6 Agus an uair a choi'-lionar laithean a glanaidh air son mic, no air son nighinn; bheir i uan do'n cheud bhliadhna chum iobairt-loisgte, no columan òg, no eun turtuir chum iobairt-pheacaidh, gu dorus pailliuin a' choi'-thionail, dh'ionnfuidh an t-sa-gairt:

7 Agus bheir e feachad e 'an lathair an Tighearna, agus nì e réite air a son, agus glanar i o ruidh^d a fola. *Is e* so an lagh air a son-fa a bheireas mac no nighean.

8 Agus mur urrainn i uan a thoirt leatha, 'an sin bheir i leatha dà thurtur, no dà choluman òga; fear dhiubh chum iobairt-loisgte, agus am fear eile chum iobairt-pheacaidh; agus nì an sagart réite air a son, agus bithidh i glan.

C A I B. XIII.

AGUS labhair an Tighearna re Maois agus re h-Aaron, ag ràdh,

2 'Nuair a bhios aig duine ann an croicinn fheòla, atadh, no guirein^e, no ball^f foilleir; agus gu'm bi e ann an croicinn fheòla *cosmhuil* re plàigh luibhre; 'an sin bheirear e gu h-Aaron an sagart, no gu h-aon d'a mhic na sagartan.

3 Agus amhlaireidh an sagart air a' phlàigh ann an croicinn fheòla: agus an uair a bhios am fionnadh 'sa' phlàigh air tionndadh^g gu bàn, agus a bhios a' phlàigh r'a faicinn nì's doimhne na croicinn fheòla; *is* plàigh luibhre

^a bheir n-anmanma. Eabb. ^b creutair. ^c laigse. ^d ruith, dhòrtadh, ^e fad. ^f leus. ^g iompòchadh, atharrachadh, caochladh.